

آبونه شرائطی

ممالك عثمانیه ده سنه لکی (۶۵)، آلتی
ایلغی (۳۵) غروشدر .
ممالك اجنبیه ده سنه لکی (۱۷)، آلتی
ایلغی (۹) قرانقدر .

اداره خانه

باب عالی جاده سننده دائرة مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدله یں یازیلر اعاده
اولونماز .

المجله

۱۳۳۰ ۱۳۳۱ ۱۳۳۲ ۱۳۳۳

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد ۳۱۴

۱ محرم ۱۳۳۳

پنجشنبه

۶ تشرين ثانی ۱۳۳۰

جلد ۱۳

اخطارات

رساله مزدن آلتدیغی کوسترملک شرطیه
بتون یازیلر هرهانکی برغزته طرفندن
اقتباس اولونه بیلیر .

§

مکتوبلرک، امضالری واضح و اوقوناقلی
اولسی و آبونه صره نومروسی محتوی
بولونمسی لازمدر .

§

ممالك اجنبیه ایچون آبونه اولانلرک
آدرسارینک قرانسزجه ده یازلمسی رجا
اولنور .

§

یاده کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

کافه مسلمین اوزرینه جهادك فرضیتی حقنده فتوای شریفه

(اسلامیت علیه تهاجم اعدا واقع وممالك اسلامیه نك غصب ونفوس اسلامیه نك سبي واسیر ایدلمه لری متحقق اولنجه پادشاه اسلام حضرتلری نفیر عام صورتیه جهادی امرایتدکده « انفروا خفافاً وثقالاً وجاهدوا فی سبیل الله باموالکم وانفسکم » آیت جلبله سی حکم منیفنجه کافه مسلمین اوزرینه جهاد فرض اولوب کنج واختیار ، پیاده وسواری اوله رق بالجله اقطارده کی مسلمینک مالاً وبدناً جهاده مسارعت ایلمه لری فرض عین اولور می ؟) (الجواب : اولور .)

(بوصورته الیوم مقام خلافت اسلامیه وممالك محروسه شاهانه یه سفائن حربیه وعسا کر بریه سیله هجوم ایتک صورتیه خلافت اسلامیه یه عدو ونعوذ بالله تعالی نور عالی اسلامیتک اطفاء واحسانه ساهی بولندقلری محقق اولان روسیه وانکلتیره وفرانسه ایله آنلره معین وطهیر اولان حکومتلرک تحت اداره لرنده بولونان کافه مسلمینک دخی مذکور حکومتلرک علیه اعلان جهاد ایدرک بالفعل غزایه مسارعت ایلمه لری فرض اولور می ؟) (الجواب : اولور .)

(بوصورته مقصودک حصولی جمیع مسلمینک جهاده مسارعت ایتلمه لرینه متوقف ایکن بعضلری نعوذ بالله تعالی تخلف ایتسه لر تخلفلری معصیت عظیمه اولوب غضب الهی یه وبو معصیت شیعته نك جزاسنه مستحق اولورلری ؟) (الجواب : اولورلر .)

(بوصورته حکومت اسلامیه ایله محاربه ایدن حکومت مذکوره اهالی اسلامیه سنک کنیدیلرینی قتل وحقی جمیع عائله لرینی محوایله اکراه واجبار ایدلمش اولسه لر بیله حکومت اسلامیه عسا کر به محاربه ایتلمه لرینی شرعاً حرام قطعی ایله حرام اولوب قاتل اولمالر یه نازجیمه مستحق اولورلری ؟) (الجواب : اولورلر .)

شیخ الاسلام
خیری

(بوصورته حرب حاضرده انکلتیره وفرانسه وروسیه و صربیه وقرم طاغ حکومتلر یله ظهیرلرینک اداره لرنده اولان مسلمانلرک حکومت سنیه اسلامیه یه معین بولنان آلمانیا و اوستریا علیه حرب ایتلمه لری خلافت اسلامیه نك مضرتی موجب اوله جفندن اثم عظیم اولمه له عذاب الیه مستحق اولورلری ؟) (الجواب : اولورلر .)

بو فتوای شریفه ۱۳۳۲ ذی الحجه شریفه نك ۲۵ نجی جمعه ایرتسی کونی مراسم مخصوصه دینه ایله فاتح جامع شریفنده یوز بیگه یقین بر جماعت مسلمین حضورنده اوقوندی . ایلمک دفعه اولمق اوزره بویله

بویوک بر کونی ادراک ایدن مسلمانلرک سرور و هیجانی تعریف اولونه مایه جق بر حالده ایدی . دها صباحدن ارکک ، قادین ، کنج ، اختیار بوتون مسلمانلر دارالخلافه سوقاقلرینه دوکولمشلردی . هر طرف دونامش ؛ بوتون جمعیتلر ، بوتون اصنافلر بایراقلرله ، تکبیرلرله فاتحه شتابان اولیورلردی . مقر خلافت عظمه ، بودرجه صمیمی ، بودرجه هیجانی بر اجتماع دینی بلکه عصرلردنبری کورمه مشدی . بو کون بوتون اهل ایمان قیام ایتش ، جوش وخروشه کمشیدی . بوکون بوتون سسلر صوصمش ، بوتون جریانلر طورمش ؛ برلر ، کوکلر یالکز بر صدا ایله ایگله یوردی : الله اکبر الله اکبر... اسلامک جلالت وعظمتی قارشوسنده هرکس تتره یوردی . متأثر اولمق ، آغلامق ندر بیلیمین اشقی یوره کایملر بیله کرز یاشلرینی ضبط ایدمیورلردی . بو معظم کونی ادراک ایتدیکندن طولانی هر طرفدن بیک ندای محمدت یوکسه لیور ، فاتحک هیتلی قبه لرینی رعشه لر ایچنده براقیوردی . قرآن عظیمک طاعلری ، طاشلری تتره دن او خطاب عزتی قارشوسنده هر مؤمن کمال خشوع وخضوع ایله « لیک اللهم لیک » دیوردی . فاتحک منبر معلاستدن تبلیغ ایدیلن بو اسر جلیل نه عظمتلی ایدی که اقدار جهانه یاسیلان اوچبوز کسور ملیونه خطاب ایدیوردی . آراق اسلامک یوم فلاحی کمشیدی . پای رفعتنه طاقیلان اسارت زنجیرلرینی قیروب آتمق زمانی حلول ایتمشیدی . نور عالی اسلامیتی اطفایه جرأت ایدن متفقین اهل صلیبه قارشو کنج ، اختیار کافه مسلمینک آیاقلانه رق سسل سیف ایتلری فرمان بویورولیوردی ! هانکی مؤمن واردرکه دین میینک بو فرمان عظمتی قارشوسنده وجودی لر زلر ایچنده قالماز ؛ عصرلردن بری ظلام استبداد ایچنده ایگله ین عالم اسلام ایچون حریت کونشک طلوع ایتک اوزره اولدینی تبشیر اولونیوردی ! هانکی مسلمان واردرکه بو مژده سعادت قارشوسنده سونچندن ، سرورندن تتره من ؟

ایشته اوکون تبرکاً وتینماً یکرمی درت ساعت خرقه سعادت حضرت فخر کائنات علیه افضل الصلوات واکمل التحیات شبکه مبارکه سنده براقیلان او فتوای شریفه بالای منبردن اوچبوز کسور میلیون امت اسلامیه خطاباً اوقوندینی زمان بوتون قلبلر بویله سرور ونشاط موجه لری ایچنده جبرینیوردی . بوتون عالم اسلامده انکاسلر حصوله کتیره جک اولان ومعظم احتفال دینی خلاصه قیدایتمی مناسب کوریورز :

سوره فتح تلاوتی ختام بولدقن صکرا جماعت کبری ایله اوکله نمازی نلندی . متعاقباً بیکلرجه مسلمان طرفندن تکبیرلر آلهیه باشلادی . او ائشاده فتوی امینی حضرتلری فتوای شریفه یی باشنک اوستنده طوته رق منبره چیقمه یه باشلادی وجمعه نمازنده خطیبک

طور دینی قدمه ده توقف ابتدی . کور بر صدا ایله آئیده کی خطابه بی
ایراد ابتدی :

— ای اخوان مسلمین ! بوکون دشمنلر من ، اسلامیه علمنه مدھش
وعظیم تهاجده بولنیورلر . بناءً علیہ اسلامیت تھلکده بولنیور . جملہ مسلمانلر
اوزرینہ فرض اولان جہاد ایچون بویله زمانلرده شرع شریفک اهل اسلامه
تحمیل بیورمش اولدینی وظیفہ مقدسه بی مبین بش عدد فتوای شریفه
اوقویہ جفم . اقصای شرقده بر مسلمان قالدینی اسیر ایدلسه اقصای غربده
بولنانلر اونی تخلیصه شتابان اولملری احکام شرعیہ ایجابات عالیہ سنددر . رجال
مقاومته مقتدر اوله مازسه نسانک دخی حربہ اشتراکری فرض عین اولور .
هرزمانده اولدینی کبی بالخاصه بویله زمانلرده بالعموم مسلمانلرک حکومت سنیه
مین وظہیر اولملری لازمدر . »

فتوا امینی افندی حضرتلری ، بویانادن سوکرا « انفر و اخفا فاقوالا »
وجاهدوا فی سبیل الله باسمو الکم وانفسکم ذلکم خیر لکم ان کتمت تعلمون . «
« فاذالقیتم الذین کفروا زحفاً فلاتو لوهم الا دیار ومن یولهم یومئذ دبره
الامتحرفاً لقتال او متحیزاً الی فئة فقد فاء بغضب من الله والله علم حکیم . »
آیت جليلة لرینی و صورت منیفه لری بالایہ مندرج بش عدد فتوای
شریفه بی و بونک ختامنده ده محسار باتده طرف عالی رسالت پناھیدن
قرائت بیوریلان ادعیہ مأثورہ دن بعض لرینی قرائت ایلدیلر .

قائماً دیکلرین جماعت مسلمین بویوک بر تأثر و غلبان ایچنده ایدی .
لسان شریفدن وقوع بولان بو تبلیغ عالی قلوب مؤمنینه دهشتلر الفا
اتمشیدی . بوتون سیالر هیجانی سرور لرله ، ایمان نور لرله پارلا یوردی .
فتوا امینی حضرتلری منبردن اینر اینز اولا منبرک یاتنده خشوع
وخضوع اوزر بولونان داخلیه ناظری طلعت بک افندیله مصاحفہ ایتدیلر .
بو مصاحفہ دینی کورن جماعت مسلمین کندیلرینی ضبط ایدمه میهرک
سوینج کوز یاشار لیله هرا یککسی قوجا قلا یور و آرقه لرینی صیوا یورلردی .

دیگر طرفدن جامع شریفک استیعاب ایدمه میوب بوتون فاتح
میدان لرینی طول و دران بیکلرجه مسلمان طیشار وده بوا حکام منیفه
دینی بی استماع ایچون صبر سزلانیورلردی . نهایت فتوی امینی معاوی
افندی جامع شریفدن چیقهرق دست احتراملرند طوطقلری فتوای
شریفه بی اوراده کی جماعت مسلمینه ده بالای کرسیدن تبلیغ بویور دیلر .
اثنای تبلیغده بر بلوک عسکر طرفندن مراسم احترامیه اجرا اولوندی .
هرکس هیجانشدن آغلا یوردی . عسا کر منصوره اسلامیه نك مظفر تی ،
اهل اسلامک رفا و سعادت ایچون ایدیلن دعا یه الی ، التمش
بیک اهل ایمانک هپ بردن جان و یوره کدن « آمین » لری بوتون
فاتح قبلرینی ایکلده یوردی .

دعادن سوکرا از مبر مبعوثی سید بک افندی طرفندن جهاد اسلام
حقنده بلینغ بر نطق ایراد بویورلدی . متعاقباً بوتون او جماعت کبرای
مسلمین حربیه نظارتیه طوغرو تکبیر لرله یور و یهرک سوقاقلری طول و دریلر .
حربیه نظارتی اوکته ده مشهور خطبای اسلامدن تونسل شیخ

صالح افندی حضرتلری طرفندن لسان عذب الیان عربله غایت فصیح
و بلینغ بر خطبه دینه ایراد ، بردعای نصرت قرائت بویورلدی .
اتحاد اسلام رؤساشندن شیخ صالح افندی حضرتلری اثنای
خطابنده هیجانشدن تتره یوردی . او فصاحت و بلاغت هرکس حیران
اولدی . آمینلرله ، تکبیر لرله بوتون اوقافله اسلام باب عالی یه طوغری
توجه ابتدی .

هیئت وکلا ، اوکده صدر اعظم سعید حلیم پاشا حضرتلری
اولدینی حالده بونک طاشنه چیقهرق کان هیئت معظمه بی سلاملا دیلر .
بر هیئت مخصوصه طرفندن ملنک حکومتله برابر اولدینی ، صدر اعظم
پاشا طرفندن ده ملنک بومظاہرشدن طولانی هیئت حکومتک متشکر
قالدینی بیان اولوندی .

اورادن طوطقو سرای هایوننه کیدیلدی . سرای هایوننه مواسلت
اولدینی زمان کیفیت عرض عتبه علیا قلنمش و بونک اوزرینہ خلیفه
حضرتلری معیت شهریار یلرندہ مخادیم ملوکانه لری و صدر اعظم پاشا
و شیخ الاسلام افندی و حربیه و بحریه ناظرلری و خرقه شریف دایره
فاخره سندہ اردو و دونمائی اسلامک توالی نصرتی ایچون بخاری
شریف قرائت ایلکده بولنان درسمام افندیلر بولندینی حالده دایره
فاخره مذکورہ پیشکاهنده اخذ موقع بیورمشلردی . بر هیئت مبعوثه
طرفندن ذات حضرت خلافتناهی یه عرض تعظیبات و تأیید صداقت
اولنسی اوزرینہ خلیفه اعظم حضرتلری صورت منیفه سی آئیده مندرج
نطق هایونی ایراد بیور دیلر :

« ملت طرفندن شوصورنله وقوعه کلن تظاهرات دیندارانه و وطن پرورانه بی محافظه
وطن اوغورنده کوستره جکلری ثبات و متانتہ الی باهر بر برهان عد ایدرم .
مدافعه حق و عدل ایچون اوج بیوک دشمنه قارشی اختیارینہ مجبور اولدیمیز
بو حربده الله عظیم الشانه حقیله توکل و صاحب شریعتیز افندمن حضرتلرینک
روحانیت رسالت پناھیلرینہ توسل ایشدیکمز حالده توفیقات الهیه یه مظهر اوله جفمزه
قابم مطمئندرم . اولادلرم ! وطنمزی اهدایه چیکنتمه نك و بر زماندن بری هر طرفده
دوچار تجاوز اولان ملت اسلامیه بی شوبلیه دن تخلیص ایتک سزک کوستره جکلر
غیرت و متانتہ مقلددر . بو مقام مقدسه واقع اولان دعواتمیزک نزد الهیه قرین
قبول اوله جفنی الطاف سبحانیه دن امید ایدرم . »

نطق هایونی متعاقب بخاری شریف تلاوتنه مأمور علمای کرآمدن
عبد اللطیف افندی حضرتلری طرفندن بلینغ و مؤثر بردها اولوندی .
خرقه سعادت دایره فاخره سنک پیشکاه مبارکنده خلیفه مسلمین
حضرتلری ده بالذات « آمین » خوان اولدیلر . بوتون اوکته اسلام
هپ بردن « پادشاهم چوق یاشا » آوازملرله سرای هایوندن مفارقت
ایتدیلر .

متعاقباً او معظم آلائی تکبیر لرله ، موسیقہ لرله ، داولار لرله آلمانیا و اوستریا
سفارتخانه لرینہ کتدیلر . اوراده ده متقابل صمیمی نطقلر ایراد اولوندی .
بعده بوتون جمعیتلر ، اصنافلر تکبیر لرله قافله قافله عودت ایتدیلر .